

臺灣文獻史料叢刊——第五輯

罪惟錄選輯
烈皇小識
(合訂本)

臺灣大通書局印行

臺灣文獻史料叢刊

第五輯

罪惟錄選輯
烈皇小識

(合訂本)

臺灣大通書局印行

臺灣文獻叢刊第一三六種

罪惟錄選輯

查繼佐

弁言

「罪惟錄」，是一部明季查繼佐撰著的「明史」。「四部叢刊」三編「史部」收有此書，影印自吳興劉氏嘉業堂藏的手稿本。查氏（海寧人，字伊璜，自號東山釣史）在所作的「自序」（原題「東山自叙」）中，亦一如其另一著作「魯春秋」（已刊列為「臺灣文獻叢刊」第一一八種），假託左尹非人氏為撰人；蓋查氏曾遭清初南潯莊氏史獄之波累，因隱姓名以自晦。其書名「罪惟」者，亦即以此。但書中凡南明諸王，皆列入「本紀」，並撰有「鄭成功」及「臺灣」諸傳；其惓惓故國之意，雖幾罹重辟而不悔。茲選集南明諸紀及列傳等篇，彙成這本「選輯」，列為「臺灣文獻叢刊」之一。書首加「東山自序」，書末編繫一「附錄」，載全書「卷目」（細目過繁不錄）、「編印例言」與三篇跋文，藉以規原書之梗概。

本書所輯，凡原文有譌誤，亦同「魯春秋」例，儘予訂正（惟「魯春秋」正文中魯王勳舊林復齋之「林」誤訂為「沈」，本書仍其原字，並附此以正前失）；所補缺文殘字，則加「」用示區別。又本書每於人名下註有「有傳」或「自有傳」等字樣；或因原書未見其傳，或因原書雖有傳、但以越出「選輯」範圍（後者以「叛逆列傳」為多），故多從缺。（千祥）

自序

左尹字非人，別號東山釣史。祖籍，係〔周靈〕王九年魯襄公會吳於查之地。□□□□，伯禽苗裔。初，惠王時積功封□□□□於諸侯曰東安公，卽今山東□□□□是也。歷漢武帝元鼎中西□□□陽伯，何；歷隋工部尙書、唐高祖武〔德中〕中書侍郎，儀；歷唐僖宗廣明中游〔擊〕將軍、進上柱國、賜紫飛魚袋，居歙州，師〔詣〕；及乾符中寧州刺史死事，謚「忠烈」，城；又歷南唐元宗保大中建州節度使、工部尙書，文徵；後出繼南唐宣歙觀察使，文徵；歷宋初進士，直史館龍圖閣，加刑部郎制選事，進右司郎中，道；迄明洪武中仲元、新□、允中、國用、原善，皆開國經濟名臣。而海昌恕，二十一年舉人材入都；諳醫理，愈帝疽，授太醫院使；則尹十一世祖也。自是詩禮顯融，爲中原望族。尹生東山之麓，距始封七十七世云；具載列史及家乘、外記，不贅。

尹幼專治葩經，長獨契尼山，竊取指義。左云者，以出姓自晦，實非「四傳」中左氏遺系。按前左氏與宣聖同時，顧襲其名曰丘；親望見無得而踰之日月，而二其名曰明。既以其言，附「春秋」爲千古。後左氏與丘明不同譜，而因名得氏曰左；與曲阜不同里，而按籍而求曰東山。左非，東山亦非；非人，非其人也。迺亦欲以其言，附「春秋」

與「傳」爲千古。所奇左氏距今二千餘年，輒預以其姓藏尹之初名、預以其名著尹之今世，略似讖然，不可強也。

此書之作，始於甲申、成於壬子。中二十九年，寒暑晦明、風雨霜雪、舟車寢食、疾痛患難、水溢火焦、泥塗鼠啣，零落破損、整飭補修，手草易數十次、耳採經數千人；口哦而不聞聲者幾何件，掌示而不任舌者幾何端。以較定、哀之微詞，倍極辛苦。兼以他註誤而連獄、方櫝藏而無山。言之無罪者，大率不求文理，而妄指便是南箕事之直書者。其實不登律例，而據云准爲鐵案，使非知幾早同負簡，則又「西狩獲麟」以前所未嘗有此警□也。改書名爲「罪惟」，天下之大，或猶有深原其故者。至於初諱爲特昭之、初疑爲特信之、初誤爲特正之、初軼爲特存之、初彼此厄爲特合之、初是非淆爲特決之，所爲取義在此；馬、班以下，或幾幾商之也。

若夫「罪惟錄」得復原題之日，是卽左尹得復原姓名之日；靜聽之天而已！

罪惟錄編輯目錄

一

紀

安宗紀……………(一)

魯王監國(附)……………(二)

唐主(附)……………(五)

桂主(附)……………(六)

韓主(附)……………(七)

二

傳(一)

諸王列傳

潞王翊鏐……………(七)

抗運諸臣列傳

- 史可法（任民育、吳爾壘、何剛、施鳳儀、黃鉉、吳道隆、衛胤文及盧涇林等六人、武職乙邦才、劉肇基、龔堯臣及馬應奎等十二人、周志畏）……（七九）
- 楊廷麟、萬元吉（盧觀象、月中桂、王其竒、王其隆、龔棻、萬發祥、莊以蒞、鍾良則、袁從諤、劉孟鎬、楊文薦、於斯昌、劉天駟、汪起龍、程必進、子矩）……（八七）
- 陳子壯（麥而炫、朱實蓮）、陳邦彥（楊景華、楊可觀）……（九三）
- 張家玉（林洵、張恂、張珣、韓如琰、黃者肱、陳子赤、尹端庵、梁法良、趙省一、盧定國）……（九五）
- 瞿式耜（張同敞）……（九七）
- 何騰蛟（妻徐氏、妾王氏、楊宣威、堵胤錫）……（一〇三）
- 姜曰廣（子二）……（一〇八）
- 王祈……（一一一）
- 李定國（劉文秀、白文選）……（一一四）
- 李來亨（郝搖旗、劉二虎）……（一二二）
- 張煌言……（一二三）

鄭成功（鴻逵、彩、甘輝）……………（三）

三

傳（二）

致命諸臣列傳

朱大典（吳邦璿）……………（一四一）

劉宗周（王毓著）……………（一四三）

祁彪佳（郭符甲）……………（一四九）

徐石麒（子爾毅、毅妻張氏、陸清原、屠象美、鍾鼎臣、孫元暘、王鯤、張

翊、常三益、高孟起、子昌齡）……………（一五〇）

劉中藻（子思誠、湯雲章、雲章子芬）……………（一六〇）

鄭遵謙（叔子瀚、陸芳侯、阮日生）……………（一六二）

熊汝霖、路振飛……………（一六六）

張名振（母李氏、兄名甲、名揚家口五十餘人、顧明楫）……………（一七一）

黃道周（葉廷秀、趙淵卿、賴敬孺、蔡時培、毛玄水）……………（一七四）

諫議諸臣列傳

吳适……………(一八五)

清介諸臣列傳

朱天麟……………(一八六)

文史諸臣列傳

袁宗道(弟宏道、中道、從子彭年)……………(一八七)

王思任……………(一八九)

武略諸臣列傳

左良玉……………(一九一)

黃得功(翁之琪)……………(一九四)

播匿諸臣列傳

章正宸(董孝瞻)、何弘仁、沈綵(王季木、楊玄錫)……………(一九七)

黑子僧……………(二〇〇)

劉永錫(漢人)……………(二〇一)

王兆熊……………(一〇三)

庸誤諸臣列傳

熊文燦……………(一〇四)

叛逆列傳

王嘉胤、高迎祥（諸部賊）……………(一〇六)

羅汝才……………(一〇七)

李自成……………(一一一)

張獻忠、孫可望……………(一一九)

列朝諸臣逸傳

管紹寧（楊兆升）……………(一二九)

阮大鍼……………(一五〇)

黃斌卿……………(一五一)

外藩列傳

臺灣（附舟山及海上諸屯）……………(一五四)

外國列傳

日本國……………(二五七)
琉球國(昆舍耶)……………(二六九)
和蘭國……………(二七三)

附錄

原書卷目……………(二七五)
原書編印例言……………(二八二)
原書跋一(劉跋)……………(二八三)
原書跋二(張跋)……………(二八五)
原書跋三(張跋)……………(二八八)

罪惟錄選輯一

紀

安宗簡皇帝

安宗簡皇帝，顯皇帝孫、福王常洵世子也；名由松。福王初封懷慶，遷河南。崇禎十四年，賊自成陷河南，王被難；尙書呂維祺、承奉崔升死之。世子以宮眷，裸奔懷慶。及懷慶陷，與母鄒太妃及繼妃李氏出奔；半道失，單身依潞王衛輝。甲申三月，帝殉社稷，衛輝復不守，世子隨潞王南奔。愆尉氏，遇周王故宮人童氏，呼共逆旅，客尉氏者四十日。童氏有娠，誓富貴毋忘。已而胎不舉，與奔許州；得遇母太妃而李氏竟失。尋被刼，世子棄許復南奔；太妃、童氏再失。

夏四月，與潞、崇二王及周世孫共棲淮上。蓋南都至是始得凶問，兵部尙書史可法、工部尙書高弘圖、都御史張慎言、京畿道御史祁彪佳集諸臣中府，會議冊立。國子祭酒姜曰廣後至，曰：「今社稷爲重矣」。彪佳、可法曰：「中興之辟，非守文繼體可辦」。時潞王慈易有聲，曰廣移書鳳陽巡撫馬士英，略見立賢大意。而士英已先同南奔諸鎮謁

世子舟中，私詔翼戴；遂與諸鎮黃得功、高傑等馳檄，謂福藩親貴莫與京。於是魏國公徐弘基合諸臣箋迎世子浦口；既至，衆議猶未決。吏部主事李沾曰：「有異議者，死殉之！」誠意伯劉孔昭、太監韓贊周力讚沾議。

五月之四日，福世子卽監國位。謁享殿，行祭告禮；問懿文皇太子寢園，謁奉先殿。語及先帝，爲泣下。以內守備府爲行宮，百官行四拜禮；謙讓再三，並述「未堪多難」之意。可法首進戰守大計，請素服郊次，發師討賊，示天下報讐大義；諸臣各上中興大政數事。監國唯唯。

以姜曰廣、高弘圖、史可法、王鐸皆原官，晉東閣大學士；而馬士英以大學士兼兵部尙書，都御史總督如故。張慎言爲吏部尙書，呂大器、解學龍左右侍郎，周堪賡戶部尙書，徐有範、張有譽左右侍郎。以張國維協理戎政尙書，賀世壽爲刑部左侍郎，何應瑞工部左侍郎，劉士禎通政使，王廷梅應天府尹，郭維經爲府丞。改李沾太常寺少卿，韓贊周爲司禮太監。補科臣陳泰來等十一人（泰來及左懋第、李清、羅萬象、姜應甲、張元始、辜朝薦、馬嘉植、沈胤培、鍾斗、熊開元），補吏部諸司華允誠等五人（允誠及倪嘉慶、葉廷秀、王重等），補兵部諸司李向中等四人（向中及吳奇偉、吳國龍、楊文薦），餘各陞賞有差。起劉宗周原官左都御史，徐石麒以右僉都御史管左副都事，祁彪佳以右僉都御史安撫蘇松。鄭鴻逵爲右都督僉事，鎮守鎮江等處；都督僉事黃蜚改鎮

九江口。

是月之望，閣臣士英不通羣議，輒上尊號，監國卽真。鑄國寶，金代之。以明年爲弘光元年，大赦。先是，金聲以原官御史起用，疏請監國卽軍中設大行皇帝位，且夕衰經哭臨；迨事定，而後卽位。安撫彪佳與誠意孔昭復爭之，不得。劉宗周在道，疏辭新銜；亦請暫稱「行在」，決策親征，駐師中都，以圖進取。報聞。

改內官監盧九德爲司禮監秉筆，提督京營；而忻城伯趙之龍總督京營戎政。晉寧南伯左良玉爲侯；良玉受詔，不拜。以顧錫疇爲禮部尙書，黃道周爲吏部右侍郎兼翰林學士，高倬工部右侍郎，羅大任國子監祭酒，侯峒曾左通政使，鄭瑄大理寺卿。以田仰巡撫淮揚，晉兵部右侍郎。楚撫何騰蛟，以兵部左侍郎總督川、湖、黔、鄖。騰蛟感星緯之變，奏舉朝臣工和衷體國，以回天意；且請練兵湖南北，以壓寧南桀驁。從之。

詔潞王暫居杭州。

上熹宗張皇后尊諡及大行皇帝廟諡「思宗烈皇帝」。忻城之龍以「思」非美號，請改。尊福王恭皇帝、太妃鄒氏皇太后。

禮部尙書錫疇薦吏部司官林胤昌、科臣瞿式耜並總鎮陳洪範可北使。

釋高牆罪宗七十五案、凡三百四十一人。

六月，建恭皇帝專廟。

設四鎮將於江北；加封黃得功爲靖南侯，封高傑與平伯、劉澤清東平伯、劉良佐廣昌伯填之。每兵三萬，歲每本色米二十萬石、折色銀四十萬兩；分汛後，各屬兵馬錢糧悉聽取用。凡恢一城，卽爲所轄。

起廢科臣章正宸、熊汝霖、姜琛等，臺臣徐殿臣、李之春等，九卿畢茂康等，共四十六員。起原任武德道雷演祚爲按察使。立保舉之法以通銓政，填危疆爲守令。是時諸賢響應，野無留隱，拭目太平。

賊獻忠自長沙浮橋濟師，陷夔州，連陷涪州。巡撫陳士奇捷忠州，再捷梁山，扼守重慶；力竭，城陷。瑞王闔宮被難，士奇及守道陳纁死之。賊以斷手狗州縣，疾陷成都。蜀王被難，新舊撫巨龍文光、徐可求咸死之。獻忠僭尊號，僞稱「大西」，改元「大順」。時郡縣殉難者：成都知府王行儉、南溪知縣王碩輔、灌縣知縣左重、梓潼知縣洪維翰、巴縣知縣王錫、資陽知縣賀霍存、興文教諭劉希文等。而總兵趙光遠時已降賊，閣部士英誤有所聞，猶請降勅獎之。

河南推官陳潛夫保周王南渡，巡道劉涓以賊逼，移駐項城。潛夫保杞，招土寇婁道一合平西將軍劉洪起擒僞官安中外等五人；上捷，擢御史，卽按河南。眞定知府丘茂華復收所屬城邑，間請疾援，不報。漕撫路振飛駐淮，與御史王燮集兵，走僞順制將軍董學禮於宿遷，百姓聞起殺之；復擒殺僞官呂弼周、王富、胡來賀、朱自成、李魁春及癸